

二十六代天師諱嗣宗字榮祖生而左手有印文及製教神異著至和二年己未宋仁宗召赴闕祈禱有應奉勅遷上清觀於山之陽年七十八貌若童顏賜號虛白先生八十一而化瘞劍醜口塞宋仁宗皇帝制曰紫望

秩宗乃禱祠之肇啓行宮藏事非巫史之可儕苟誠意之旁通亦治世之所賴漢天師二十六代孫張嗣宗紹承家學綽有祖風比露劍以箋天旋彌災而為福非道心精一至誠感神能若是耶虛空生自吉祥止止惟爾有焉賜號虛白先生元至正十三年贈崇真普化妙悟真君

二十七代天師諱彖中字拱宸生三月能行五月能言七歲召赴闕賜茶衣命嗣教賜坐闕道大稱旨上賜宸翰後歸徵君山梧竹塘結廬以居得道冲舉有七星墩白鶴鳩存焉元至正十三年贈崇真通惠紫玄真君二十八代天師諱敦復字延之學識天成聲如洪鐘士林仰之宋熙寧間神宗召赴闕命離於內殿賜號葆光先生年五十三而化瘞

劍鄧家塢宋神宗皇帝制曰朕荷后皇眷頌之休藉祖宗盈成之業海宇寧謐民物阜康思弘清淨之風共樂無為之治漢天師二十八代孫張敦復世傳祖印早悟真詮惜遽遊於丹丘遂莫前於宣室宣申簡冊以貴烟霞

漢天師世家卷二

正一天師清微弟子 洪百堅 製作
道教學術資訊網

漢天師世家卷三

二十九代天師諱景端字子仁敦復之從子也性恬澹絕嗜慾不與物競篤志玄學大觀二年贈葆真先生年五十二歲而化宋徽宗皇帝制曰朕惟禦災捍患祀典所先崇德報

功聖人所尚乃者虛靖先生張繼先靖鹽池之妖氛藏金庭之醮奏如響斯答厥功甚懋推其本原蓋有家學而汝名號之稱朕甚憐焉特贈葆真先生元至正十三年贈太極清虛慈妙真君

三十代天師諱繼先字嘉聞又字道正號倫然子二十七代天師之曾孫祖敦信父處仁仕宋知臨川縣宋元祐七年壬申十月二十日生於蒙谷庵五歲不言一日聞雞鳴忽突賦詩曰靈鷲有五德冠距不離身五更張大口喚醒夢中人翌日宴坐碧蓮花上人皆稱異為真仙今浴仙觀有池存焉九歲嗣教崇寧二年游州奏鹽池水溢上以問道士徐神翁對曰蛟蜃為害宜宣張天師命有司聘之明年赴闕召見問曰卿居龍虎山曾見龍虎

否對曰居山虎則常見今日方覩龍顏上悅
令作符進上覽笑曰靈從何來對曰神之所
寓靈自從之上問能書否對曰臣嘗書道德
經遂取進上問脩丹之術若何對曰此野人
事也非人主所宜嗜陛下清靜無為同夫堯

舜足矣上悅侍入寢殿宮人競以扇求書以
經語書之皆密解其意中舉一握稽首書曰
保鎮國祚與天長存乃上之所御也賜宴而
出十二月望日召見上曰泮池水溢民罹其
害故召卿治之命下即書鐵符令弟子祝永

佑同中官投泮池岸圯處驗頃雷電晝晦有
蛟蠶磔死水齋上問卿向治蛟蠶用何符還
可見否曰臣所役者關羽當召至即提劍召
於殿左羽隨見上驚擲崇寧錢與之曰以封
汝世因祀為崇寧真君明年三月奏鹽課復

常五月召見賜坐問道法同異對曰道本無
為而無不為體即道也用即法也體用一源
本無同異若一者不立二者強名何同異之
有上曰然若有同異便與言為三矣因進天
心盪兇諸雷法上親祀之七月建壇傳授經

錄演法講說道妙參禮者雲集皆領悟而去
上御天祥殿從容問道及時政對曰元祐諸
臣皆負天下重望乞聖度從容悚然曰朕何
所不容對曰陛下弘建皇極無偏無黨以天
下蒼生為念幸甚力乞還山上獎諭許之贈

金帛皆不受命近臣具禮饒於國門四年復
召建醮內廷因密奏亦馬紅羊之兆請脩德
宋徽宗皇帝制曰勅漢天師三十代孫張繼
先天師在漢玄功著聞汝為裔孫不替遠業
傳襲祖法符水有功虛靖恬和道行高潔宜

加顯錫昭尚真風賜號虛靖先生賜金鑄老
君及漢天師像屢乞還不許問何所欲對曰
臣所欲上清觀弊陋偏僻眾欲遷而新之力
所未能命江東漕臣即山中度地遷建賜田
以食其眾復立庵於山之北為天師脩煉之

所御書靖通庵額賜之有亭曰脩然并建靈
寶雲錦真懿三觀改祖師祠為演法觀奉玉
册上祖師誦封為真君十二月還山凡父兄
皆賜爵有差四方學者率數千人大觀丁
亥上遣使命醮於山中且召赴闕時徐神翁

同館居無何神翁曰世事悠悠不如歸休對
曰歸則便歸何思何慮神翁遽坐而逝端陽
召見宮中若有妖卿當祛之對曰聞邪不干
正妖不勝德陛下脩德妖必自息內侍奏仁
濟亭果有妖俄頃妖憑一少年以手抱頭泣

拜天師曰汝心自昧墮在迷途返爾本形汝
宜速化乃收泣仆地久之遂甦上復命以大
甕數十貯水京畿取符投水中以飲有疾者
凡飲者皆愈上遣使問道要且言神仙可學
不死可致乃作大道歌授使以進歲大旱命

禱之雨三日授大虛大夫辭不受御製詩以
賜大觀二年還山賜金帛力辭曰臣一野褐
爾得以無用公卿祖送塞道揖別曰聚散本
常理出處無定期浮生倏忽諸公勉之還山
與弟子曰江湘入蜀有二十八治又之自秦

川還山即西源築庵居之扁曰渾淪沂陽瓊
林臺北有為愛西源好絕句五首持石自方
從鄱陽來與之游一日語以死生之變自方
曰吾得全於天不知好生不知惡死奈何得
以死哉答曰不然爾謂得全於天復得全

於何真幸不明性識交熾一真獨露萬劫皆空則天亦無所全自有省政和二年遣使復召以疾辭伴弟子王道堅表謝以脩德彌災為告勅改上清觀為宮授道堅為太素大夫疑神殿校籍命預禳國難遂還肝江王文

壁三

四

御皆以道術同顯於朝既還山亦常往還由是日曠逸自怡或風晨月夕窮幽極險從倚歌咏每有自得一日題脩然亭壁曰赤帝御龍行未伏姮娥分月入深山人莫能測嘗遊麻姑憩齊雲亭歎曰蓬萊步入清淺其桑田乎靖康之變其言始驗丙午金人寇汴上與太上皇恩天師預奏之言遣使亟召至泗州天慶觀索筆作頌曰一面青銅鏡數重蒼玉山恍然夜舫發移跡洞天間寶殿香雲合無人萬象開西山下紅日烟雨落潛潛書終而化時靖康丙午十一月二十三日京師亦以是日陷族父武功大夫張憲適至率士民莖於龜山之下初天師在京時太學生陳東易觀以終身問天師曰陳東為忠臣垂名不朽易觀為縣以壽終高宗南渡陳東上言乞罷

黃潛善汪伯彥東坡殺易觀為太和令家貧以年終天師既化越十六年紹興辛酉西河薩守堅遊青城遇於峽口授以符法及水調歌一闕授書一緘履一隻令達嗣天師抵山嗣天師發書異之令人啓泗州窵惟一履存

壁三

五

方知其尸解後亦有過於武夷羅浮者元武宗皇帝制曰朕惟廣成子在崆峒言契形神之妙唐桑楚居畏壘禮膺尸祝之祭矧奕葉振邁於真風宜錫躋優崇於昭代嗣漢三十一代天師虛靖先生潛心冲默善性粹和道集虛而悟玄玄行履常而安止止嘗因宋主燕閑之問極陳老氏清淨之宗神得一以靈故禱祠而輒應物歸根曰靜惟精氣之長存是用增寵秩於仙階襲嘉名於祖牒仍羽人濯陽谷豈徒想於高蹤乘白雲歸故鄉尚祗承於先命封虛靖玄通弘悟真君三十一代天師諱時脩字朝英二十七代天師象中之孫敦直子也虛靖不娶無子弟淵宗為道士擬令嗣教光輝清化虛靖遊泗州時以印劍經錄付之朝英以是眾推之以嗣

教辭曰繼先吾從子也吾何後之眾曰法統所在遂嗣教乃恬然靜退志慕脩煉年六十一歲而化元至正十三年贈正一弘化明悟真君三十二代天師諱守真字遵一母吳氏娠十

九月而生宋紹興十年襲教乾道六年毗陵有妖憑樹詔治之既行一夕雷拔其樹召赴闕賜歸正應先生高宗召見咨問道法孝宗時江濤衝決命醮內廷有異應上賜以象簡寶劍清靜陰符二經賜號正應先生淳熙三年十月三十日謂弟子曰頃得吾兄虛靖書有青城之約今當往矣言畢而化藏斂於演法觀近西元孝宗皇帝制曰勅漢天師三十二代嗣孫守真爾傳之祖業載世數十而猶未泯亦異也已錫之嘉名厥有故事特授正應先生復贈崇虛光妙正應真君三十三代天師諱景淵字德瑩初名伯璟乾道間侍父入朝高宗異之改今名嘗醮內廷有大感皇子魏王鎮明州有疾為壇以請至乃呪水飲之而愈禮送特厚一日復遣人致

壁三

六

聘使及門忽召弟子曰吾仙期不可奏遂隱
凡而化瘞劍於上清宮家源元至正十三年
贈崇真太素冲道真君攝天師諱嗣先字光
祖乾道癸巳兄景淵曾以為子年十九襲教
崇寧中召入觀時景憲太子書樵隱二字賜

之嗣教一十一年族長議以景淵有子當傳
即以印劍付姪慶先退休樂道以終

三十四代天師諱慶先字紹祖德瑩子也慶
先未生德瑩嘗鞠幼弟嗣先權攝教位慶先
以嘉泰辛酉襲教性慈儉周貧困至是經蘇
之傳益廣飲酒數斗不醉嘗遊山之張公洞
有井極深戲以木葉投之俄而波濤洶湧有
一老人從井中出拜而有請戒之母早滂而
去嘉定二年十月二十二有道人來謁禮敬
甚恭既去語弟子曰彼與吾有深約越七日

晨與宴坐而化元至正十三年贈崇虛真妙
光化真君

三十五代天師諱可大字子賢曾祖三十二
代天師守真弟二子伯瑀之孫初景淵歿伯
瑀常攝教事慶先歿子成大幼可大父天

麟攝教事寧宗召賜仁靜先生未幾成大早
歿以可大為慶先後紹定三年仁靜歿可大
年十二正三十五代天師位時鄱陽水溢壞
民廬室表提刑甫請治之以符投江雷震殛
死大白蛇水遂復故表為詩以贈端平年間

累召赴闕賜錢經費嘉禧三年錢塘潮決水
及良山門民廬盡湮詔治之投鐵符潭中潮
遂退又大旱蝗命醮於太乙宮雨作蝗殪七月
召見賜號觀妙先生勅提舉三山符籙兼御
前諸宮觀教門公事主領龍翔宮重建真懿

觀賜田若干頃免租稅御書真風殿紫微閣
真懿觀額上冊加封祖師關石二帥龍井等
神元世祖遣使訊之乃授以靈詮且言其後
驗嘉定四年四月以印劍付次子宗演具表
辭謝而化丞相江萬里為銘瘞劍於瑞慶觀

元世祖皇帝制曰道為天地之常經妙泰造
化名者古今之公器特示褒崇故三十五代
嗣教漢天師觀妙先生張可大佩鍊三玄蜚
聲八極積功累行造彼希微禱雨退潮持其
土苴昔先皇在潛邸遣問使詣珠庭知天命

之有歸以靈詮而默授謂聖明當一四海其
徵驗後二十年蓋神與道俱洞測將來之數
及遠懷近悅允符前日之言乃眷真游盡頌
異渥嗣師與棟克紹宗風宗師留孫總持玄
教其立稷丘之祝仍加真一之稱於戲冕服

倘來非至人之所尚雲軒伊邇尚多貺之未
伸贈通玄應化觀妙真君

三十六代天師諱宗演字世傳躋簡齊性淵
靜少穎敏年十九襲教宋咸淳間信之上饒
早守臣唐震請祈雨應如期元世祖平宋遣
使優諭召至勅廷臣郊迎待以客禮入見額
問者再六月醮於內廷明年又醮長春官賜
演道靈應冲和真人給二品銀印命主江
南道教事得自給牒度人為道士路設道錄
司州設道正司縣設威儀司皆屬焉詔諭江

南復官觀賦役即京師朔崇真萬壽宮勅弟
子張留孫主之後復兩召至闕禮遇有加一
日有道人來謁告以玉兔之約時至元辛卯
十一月十一日有獻白兔者語弟子曰吾昔
以明日生今以明日去矣遂書頌而化瘞劍

於蟹田源後贈演道靈應冲和玄靜真君元世祖皇帝詔曰諭龍虎山張天師鄉之先祖道陵用心精一得法錄之正傳甚有徵驗流布至今子孫相承已數十代二千餘年矣雖常聞鄉之譽以兩國梗絕之故未遂延請

壁三

九

者宋主不度德量力執我行人久留弗遣以故命中書左丞相伯頑率兵南伐上天眷合大江已為我有南北一家今特遣武略將軍兵部郎中王世英武略將軍刑部郎中蕭那資詔召鄉母以易主遂生疑貳鄉之先世自

東漢以來歷事一十五姓無非公心未嘗有所偏執天無私心厥命靡常鄉知道者寧想昧於是乎宜趨命駕毋多辭讓故茲詔示復宜知悉欽哉元世祖皇帝制曰三十六代天師張宗演鄉心傳法統體粹真風廣黃庭大

洞之科持正一盟威之錄爰清爰淨以信以誠三尺青蛇役鬼神於冥漠一栢明水淨天尊於遊遐既弘開濟之功宜昇褒崇之號特贈演道靈應冲和真人元成宗皇帝制曰蓋公遇漢寧辭海上之招司馬在唐嘗應天台

之聘按古來之達士多寓跡於名山惟出處之隨時乃周旋於中度三十六代天師演道靈應冲和真人管領江南諸路道教事張宗演慶行仙靈之派學探靜定之功自王師臨鄂渚之初而妙道達世皇之聽芝泥雲象鳳

書一下於江南金服瑤冠鶴馭三承於聖卷宗風為之益振玄教為之增光遐想仙游宜中岫典爰進陞階之號仍加節惠之文於戲旌陽有術鎮蛟螭既貽芳於賢嗣姑射所居無疵癘尚敷錫於編氓贈演道靈應冲和玄靜真君

三十七代天師諱與棟字國華號希微子淵默寡言洞明三教為詩文立成數千言甫冠侍父入觀儀表溫瑩敏於應對上屢嘆異之至元辛卯嗣教應召上賜坐慰勞甚至授體

玄弘道廣教真人管領江南諸路道教事成宗登極復召命醮於圓殿又醮於長春宮命天下行其醮典改天下諸路天慶觀為玄妙觀一日忽謂弟子曰吾世味素薄今留京師且久非吾願也懇乞歸山未允越月示化於

崇真宮遣使護柩還山勅廷臣祖祭於都門後塋於玉田元世祖皇帝制曰漢天師三十七代孫張與棟可嗣乃父演道靈應冲和真人以傳法統用闡玄風宜令張與棟准此元世祖皇帝制曰漢天師三十七代孫張與棟

御慶源有自化應無方宜頒紫誥之榮以作玄門之表特賜體玄弘道廣教真人管領江南諸路道教事元武宗皇帝制曰紹玄風而繼世率乃祖之攸行溥內則以疏恩亦於今之所向嗣漢三十七代天師仙姑馮淑真簪纓素緒賢輓芳儀媿穀城之傳益師清靜守栢舟之操彌篤堅貞愛祉惟深錫名斯修雲龍風虎之慶會置謂有光舞鳳迴鸞之制書茂承無斁授靖明真素仙姑

三十八代天師諱與材字國梁號廣微子宗演次子天資仁厚為詩文可立就書翰精奇至元三十一年嗣教上遣使賜冠服玉珮俾掌教事及召見明年改元元貞入見大明殿又明年制授太素凝神廣道真人兼管道教仍封母為玄真妙應仙姑俾自給牒度道士

仍封母為玄真妙應仙姑俾自給牒度道士

免官觀差役護法錄免遠輸之役大德二年海鹽官秦二州潮大溢百里沙岸嚙將及城下奉詔治之至杭州醮於佑聖觀投鐵符河地處符躍出者三雷電晝晦磔死水惟魚首龜身長丈餘於水齋隱障復故五年復召至

京丞相答刺罕請禱雨天師曰誠可格天天必有感明日果雨上召問冬暖不雪民間得無有災乎命為壇禱之是夜雪下盈尺六年辭歸上御柳林詔天師侍祠致嘉祝甚著且緘香使禱於所過名山宮觀歸醮於上清正

一宮給銀印視一品加金紫光祿大夫留國公正一教主兼主領三山符籙加封二代嗣師三代系師皆為真君母周氏為玄真妙應淵德慈濟元君時皇太后在興聖宮仁宗在東宮皆寵賜特厚是歲夏多雨宰臣合敬公

留守大都遣禮部尚書王公約請禱越三日天霽仁宗即位復入朝賜見嘉禮殿詔太保曲出若曰予嘉天師之道其繼承之緒侘無與比者又賜寶冠金服二年四月遣使至山諭曰去冬不雪今復不雨田弗就種朕甚不忍

民之傷也禱於上清宮隨應遠近周洽每歲恭授法籙及以水旱妖癘來告者無虛日皆活之捐粟為義倉以周貧乏藝術之士日集於門各如其望延祐二年秋與弟子遍遊岩洞或為詩繪物皆寓意有警人莫能測除日

復自贊壽像有東風吹雪之句越明年正月有一日雲口占遺頌而化勅莖於金谿之鳴陽建祠曰玄都觀元貞二年成宗皇帝制曰三十八代天師張與材鄉虹芝標瑞金格董英學恭萬景之玄微錄闡三元之正教乃祖

乃父已顯跡之同膺難弟難兄宜真風之再衍特加寵錫肅示眷懷惟至人體道為功御當振靈山之緒以敬德祈天永命朕方崇璇室之科賜歸太素凝神廣道真人管領江南諸路道教事元大德八年成宗皇帝制曰粵

自上古相傳能為國家除害正一初祖之於蜀嘗駐龍井之妖觀妙先生之於杭亦彌胥濟之患卿持法印之三載潮鬪海盜之兩州愚鐵符丹篆之靈珍魚首龜形之靈沙漲復隄防之固民居脫昏墊之災比因江溯行省

以聞俯酌玄教宗師之議精誠有感宜歲進於仙塔清靜無為尚欽崇子妙道特加正一教主兼領三山符籙餘為故元至大元年成宗皇帝制曰惟除邪輔正闡世教以為多崇德報功宜邦彝之具舉維聖祖風欽於至道

而先皇屢款于真儀茲嗣服之云初宣疏榮之可後正一教主嗣漢三十八代天師太素凝神廣道真人管領江南諸路道事主領三山符籙張與材清備偉望博學通村泓然

理域之深融沈若環中之順應衛民舊而輒効持登猶虛請之精嚴析福則則隨珠餘戒具冲和之概肅動靈瑞倪之可見勞美章綬之能為制則特頌理於茲賴於戲封留足矣益光炎漢之高風自天申之求贊有元之丕祚往維燕履茂對鴻祚加贈正一教主嗣漢

三十八代天師太素凝神廣道明德真人領江南諸路道事特授金紫光祿大夫封留國公餘如故元貞二年成宗皇帝制曰至道之用存乎人偉貞源之有自君子之學成其德繫茲閭之是儀太素凝神廣道真人嗣

漢三十八代天師張與材母周氏惠恭德合
冲和行資純素蒼圖分系本支迭紀于仙階
殊樹聯芳兄弟繼傳于祖即于今可尚往昔
未聞特頒寵渥之隆庸慰孝心之至宜于後
裔益增正一之光輝介邇遐年求奉宵晨之

香火賜號玄真妙應仙姑元至大元年武宗
皇帝制曰朕惟老子著道德言亦本孝慈之
旨西母在列仙藉可為仁壽之宗方將敦俗
化以養親故特崇闡儀而錫寵正一教主嗣
漢三十八代天師太素凝神廣道真人張與

材母玄真妙應仙姑周惠恭親身貞淑秉性
徽柔德娘高門克義方之訓慶錄後裔益昌
道紀之傳是宜頒天詔之五花以示報春輝
之寸草問蓬萊水幾見海湄清淺西池蓮開
居姑窮山能使物不疵癘而年穀發助揚正

教茂介邇齡授玄真妙應淵德真人元延祐
元年仁宗皇帝制曰脩道者母為先學仙者
孝為大係其源之所自錫恩命以維新正一
教主大素凝神廣道明德真人領江南諸
路道教事嗣漢三十八代天師張與材母玄

真妙應淵德真人周氏惠德有德有功爰清
表靜來依神仙之侶維以末年繼為夫人之
師幸哉有子指蓬山而歸去葉昨卷以如遺
雖冲漠不可強名而國家亦所宜禮肆頌美
號式重玄宗於嚴嚴創依壇尚想成丹之魏

母飛茅建靖母志傳道之繼師諱爾道遠歆
茲優渥追封玄真妙應淵德慈濟元君
三十九代天師諱嗣成字次望號太玄子神
清高遠端藪寡言至大三年侍父八觀至杭
寓宗陽宮俄杭城火發眾往求救發通江橋

望火起處以水噴之火遂滅延祐三年丙辰
留國仙逝以印劍授之命襲教開府張宗師
聞於朝仁宗遣使至山命主教事且召之十
月入覲上顧問甚喜曰克肖而父命建金
錄大醮於長春宮禮成賜冠服明年正月告

歸制授太玄輔化體仁應道大真人主領三
山符籙掌江南道教事推恩封母易氏為妙
明慧應常靜真人降壇書命掌道教給度牒
行法錄免遠輸之役遣使護送還山七年益
官州海潮復作詔即行省建大醮禱之投鐵

符岸圮處雷電大作水息復故英宗即位詔
入覲見於上都降璽書給驛護還泰定二年
正月壬午日有食之大臣求禱雪以禳之天
大雪復命建黃籙大醮於長春官時有天花
雲鶴之瑞國子司業虞集承詔記之制加翊

元崇德正一教主知集賢院道教事四年益
官州潮復決岸崩及城詔召至行省醮於佑
聖宮有三足龜見殿上湖退杭民以旱告即
雨至順元年入朝降璽書申護有加至元再
召入見上於明仁殿時京畿旱詔禱雨崇真

宮大應秋苦雨禱而霖冬不雪祈即應上大
悅賜以上尊且語近臣曰朕頃天師多矣可
錄前後勳績備載制詞三年三月頒制加知
集賢院事留京已久乞還山詔百官宴餞之
既還棄絕人事逍遙自娛至正四年甲申將

遊五嶽青城先登泰山九月舟次呂梁薄暮
有一老人求見密語移刻而去明日遽命返
舟庚子抵寶應化於舟中弟子奉冠劍還入
鄱湖抵雲錦溪有二黑龍護舟疾行不六日
泝流而達其神異若此後塋於南山元仁宗

1 (104) v. 277

皇帝制曰天下有道宜崇清靜之風至人無為爰佐隆平之治誕揚命跡申耀宗乘嗣天師張嗣成得老氏之真詮實玄門之鉅擘自漢而下以其數考之一千餘年渡江以來於今四傳矣三十九代學邃瓊科之正聲騰絳

壁

六

簡之英嗣錄云初來朝甚謹俾陟仙班之舊綜維教事之新贊皇極之建中衍洪圖之錫羨於虧維名不假朕特示於綏嘉率祖攸行卿盍思於報稱不欽茲渥罔替其恭惟恩封母易氏為妙明慧應常靜真人別降圖書命掌道教元英宗皇帝制曰朕欽崇天命景慕道德求所以靜一而寧民者與言至人榮及後裔嗣天師張嗣成由爾祖能傳老氏之旨遵和崇正扶植世教世其家者繼踵在爾器識弘達博學多聞自先朝以長而賢俾嗣名跡承志篤善克勤不怠每懷沖退令聞益彰朕踐祚之始爾奉幣來朝執儀甚謹良用寵嘉申命宜新循乃舊職尚一爾心用弘爾教恭長祇肅協贊無為之治母替厥服往惟欽哉特授正一教主嗣漢天師太玄輔化體仁

應道大真人主領三山符籙掌江南道教事元晉王制曰我國家之崇玄教古莫與倫卿家世之被皇恩今為特盛宜隆稱號爰示寵嘉嗣天師張嗣成冰雪神人風雲聖代乃祖乃父累功積行於前若子若孫繼緒增光於

壁

七

後及此初元之親助予敬德之新翼翼小心允謂恪恭而有禮巍巍大道共期清靜以無為特授翊元崇德正一教主嗣漢天師太玄輔化體仁廣道大真人主領三山符籙掌江南道教事封胡氏為明慧慈順仙姑元順帝制曰老時度函谷關未始忘於天下留侯從赤松子豈果棄於人間式開聖人神道設教之門遂任天子為民請福之寄世傳法者代有功焉不遠而朝宜新厥命特授翊元崇德正一教主嗣漢三十九代天師太玄輔化體仁應道大真人主領三山符籙掌江南道教知集賢院事張嗣宗神明之裔道德之宗自爾祖之遇世宗乃父之於仁廟既膺天眷燕簡帝心雖膺有道之長實繫聖明之主而樂無為之治庶闡清靜之風誕布玄休屢昭靈

應卿既克承於後朕亦丕勞爾先往者海水為災再免黔黎於昏墊近而天時作應三致雨雪之感通功成弗居禮宜有報噫神仙以忠孝為本尚母媿於傳賢帝王以天地為心曷敢忘於敬德見所帶職號如故

四十代天師諱嗣德號太乙與材第二子也性寬厚善文好詩至正甲申嗣教後九年壬辰天下兵興命弟子舒惟寅募義保障凡隣郡間兵不敢犯民賴以安是年十月微疾而化明年制授太乙明教廣玄體道大真人主領三山符籙掌江南道教事制下已化矣藏蛻排衙石元順帝制曰正一仙真克紹經籙符章之秘神明華胄宜膺冠裳劍印之傳仙籍有徵寵章再錫咨爾張嗣德學資家訓道演宗盟祖彌流芳雲仍襲慶始者飛昇於蜀漢世施度化於江湖寶籙金符瑞應昔昭於簡冊青蛇玉劍淵源永緒於箕裘歷彰糾攝之靈每佐清寧之治渙孺雖基於前代綸恩猶渥於本朝紫誥銀章禮重褒崇之典珠冠金服光貫冲素之流玄門偶闕於承宗法嗣

共推於嫡嗣御其奉真元之秘律肅太上之精筵恪思繼業之隆益拯含生之沴再揚靈素水播真風於戲珪幣多儀務念輸誠以事帝壇瓊秘祝慎嚴徽福以庇民尚體予畏以弘爾教

四十一代天師諱正言號東華嗣德長子也貌古神清沉靜寡言時京道不通且二年餘吳江浙行省遣閻使傳制授天師明誠疑道弘文廣教大真人主領三山符籙掌江南道教事踰年集諸弟子曰吾家世代以福國忠

君化民為本今天下兵爭日久朝廷去遠安危未可知况吾諸弟子總玄教於北者榮遇特隆可無一言以致微非之言乎於是介弟子程天翼奉命言於玄教大宗師於有與入陳於朝上曰天師方外士也曩以川途梗塞

無以致撫安之道朕甚憮焉天命此幸有以旋之宗師奉旨俾天翼還報歲己亥中元日陞座演道語若有警人鮮能測未幾示微疾召弟子曰吾自襲教以來遭時多難今遊期至矣越二日書頌而化

四十二代天師諱正常字仲紀號冲虛子三十九代天師太玄公之冢子也生有異徵大玄公假寐夢神人飛空而至曰余自華蓋山來遊君家願見容也及覺而生幼穎特寬厚雙目燭人性嗜老莊言於仙道秘法尤篤志

大玄遊五嶽指相傳印劍曰龍星再集於亥吾兒當持此大振玄風至正己亥襲教太玄之應記始驗時兵亂經錄又秘至是頒授者川至聞三元醮脩於玄壇普鍊度幽爽輒有異感辛丑我

大明太祖高皇帝發御榜命有司訪求招聘而天師始遊遣使者上牋陳天運有歸之符上以手書賜答有勉澄心定性以凝道功之語乙巳朝京師上召見悅曰瞳樞電轉法貌昂然真漢天師苗裔也命坐賜燕下詔褒美

之再召宴及錫以金幣還山丙午復入覲京城士庶求符者日以千百計侍史不能給閉闕拒之不止上諭俾施符水乃蒙巨符投朝天宮井中人爭汲之須臾水竭見土弗已疫者飲之皆瘳上聞而嘉之令作亭井上號曰

大乙泉命傳太上延禧諸階法錄及辭還山復詔中貴人齋賜織文金衣特勅中書給驛券畀之以便朝覲吳元年丁未詣上勸進殿洪武戊申上登大寶位建號改元入賀賜宴於便殿論

曰茲授卿以大真人稱號詔命議給俸祿面奏懇辭議俸止乞如故事優免及專出符錄之事上嘉而可之准賜蠲通戶及大上清宮各色徭役宴畢內降制書國朝制詞具載授正一教主嗣漢四十

二代天師護國闡祖通誠崇道弘德大真人領道教事仍給銀印規正二品特設玄幕之佐曰贊教掌書等官陞辭而還上御護身敕從容謂曰卿乃祖天師有功於國所以家世與孔子並傳以迄於今卿宜體之以清靜無

為輔予至治則予汝嘉出白金十五鎰賜之俾新其宅第己酉二月特召入朝上御奉天殿賜見預命設宴待之是月承顧問者四錫宴者二三月十三日上將通誠於天帝致齋三日上御袞冕服親署御名於章勅太常設

樂手授於真人俾祝而焚之禮成錫金幣宴於文樓羣弟子饗於別館仍賞賚有差庚戌夏上錄功地寵特勅吏部改贈父三十九代天師太玄輔化體仁應道大真人嗣成爲正一教主太玄弘化明成崇道大真人改封母

聖

主

明慧慈順仙姑胡氏爲恭順慈惠淑靜玄君是年秋上復召見問以鬼神情狀更給掌天下道教銀印壬子秋特召入觀復加賜永掌天下道教事之誥以寵之丙辰秋上遣使召忽先期而至入見上喜曰卿來何符朕意耶明年秋朕將遣使祠海嶽諸神卿當妙吏弟子之清脩者與其偕來錫燕及金法衣王圭珮法器之屬丁巳夏率羣弟子入觀宴於午門城樓上舉爵謂曰卿宜罄此一觴勅內侍出

御製歷代天師贊示曰他日當書以賜卿明日勅遣代祠嵩山分遣重臣與弟子代祠羣岳仍賜衣各二襲榜幣有差既還錫宴賞如初及歸山志趣頗異常一日置酒與昆弟酣飲慨然歎曰五嶽名山先子欲遊而弗遂焉

山中峰乃吾祖得太清丹經之所今藉

聖天子威靈幸一至焉曠曠景於層霄邈浮埃於浩劫吾志將有在矣感訝其言未幾示以徵疾瑞坐榻上屬弟子方從義曰吾無以報國家寵恩爾等宜左右我子孫以替寧謚

之化命取印劍授其子曰我家千五百年之

傳在是汝其勉之語已舉手作一圓象嘿然

而化是夕大崖石崩聲聞數十里禮部尚書

張壽爲計聞上嗟悼良久且曰朕欲命其徧

祠五嶽今方一至嵩山何期大數止於斯耶

遂親製文一通遣前浙江行省叅知政事安

慶弔祭之藏蛟於南山剌坑口

四十三代天師諱宇初字子璿別號者山中

虛之冢子也目秀雙瞳面交二十九歲疑如

老成一日有異人謁見曰是列仙之儒異日

丕張斯教者也及長資識夙高學問深造貫

綜三氏融爲一塗旁及諸子百家之籍靡不

窮蒐發爲載道紀事之文各極精妙著成峴

泉文集二十卷遶王嘉而梓之因徹上覽以

是被前席寵尤渥而王公縉紳之士亦莫不

敬重焉嘗侍冲虛於天心水月樓目觀雲霧

起西北中有金扉洞開五色冕耀護衛天神

鎧仗森列勃然改容冲虛問之具對如所見

自是以家秘授之易了試之益神洪武十一

年入朝上召見反覆諦視之笑曰絕類乃父

眷養有加明年上特遣使詣山齋賜誥勅二

道授正一嗣教道合無爲闡祖光範大真人

勅召赴京復降手勅勉加脩節以格神明之

意賜法衣金幣給驛券還山辛酉錫誥封母

包氏爲清虛冲素妙善玄君癸亥召赴闕命

建王錄大齋於紫金山乙丑命禱雨於神樂

觀隨應庚午入觀奏准降勅重建大上清宮

辛未六月朔上視朝首諭禮部嚴禁偽造符

籙者賜正一玄壇之印伊闕防符錄永鎮名

山既選擇地於里之黃箬峰下構峴泉精舍

爲終焉之所壬午

成祖文皇帝嗣登寶位入賀寵遇益隆賜繒

錢葺天上清宮永樂元年命陪祀天壇丙戌

命編脩道教書以進丁亥召見命就朝天宮

建薦揚玉錄大齋有慶雲覆壇鸞觀交舞之

瑞祠官以聞賜勅嘉庚戌子三月降特旨申諭真人門下專出符錄四月命傳延禧法錄建延禧大齋五壇咸有瑞應厚賜尚方珍物特命更給驛券還山十月手勅俾邀請真仙張三丰已丑再勅尋訪張三丰庚寅春忽發

神異語人莫能測一日以印劍授介弟宇清曰吾將返吾真矣惟

國恩未報爾其承此以圖之又越三日書頌曰一點靈明本無生滅五十年中非圓非闕今朝裂破大虛空三衆十方俱透徹舉手前

向指而逝時 大駕駐蹕北京 皇太子監國遣行人陳遠賜祭明年天乘追悼復遣行人蕭榮諭祭馬藏蛟於峴泉

四十四代天師諱宇清字彥幾別號西壁冲虛仲子蒼山之弟初冲虛夢覺真人殺冠

朱水入其室翌日生七歲能詩及長凡秘要儒經子史究索無遺著有西壁文集傳於世永樂庚寅嗣教十月大駕南還召見賜宴及冠服圭珮之屬命醮於朝天宮賜誥授正一嗣教清虛冲素光祖演道大真人領道教事

癸巳七月初遣使齋賜太嶽圓光圖并柳梅百顆八月降勅俾選有道行羽士為武當山住持九月命使詣山就大上清宮建金錄大齋七日感龍井出見之瑞上給緡錢俾市魚放養溪中賜名曰放生池禁止網釣乙未詔

修大上清宮并勅建真慈觀造浮橋築隄防丁酉命分獻西鎮壇十一月詔往福建靈濟

宮修建祈謝金錄大齋瑞感圓光燭霄御雲成幔鸞鶴交舞靈既叠臻祀官以聞降勅嘉

避仍有金幣之賜戊戌二月初召入京賜冠服綠幣白金百鎰命祠玄帝金像於太和山

五月命治浙江潮患乃書鐵符戒弟子黃端友往投之時波濤洶湧若有人馬呼鳴之聲

既而水退患止有司以聞上遣使嘉獎賞資已亥誥封妻孫氏為端靜貞淑妙惠玄君復有金幣錢物及香果海魚之賜庚子上召見命率羽士修玉錄大齋休徵尤彰十月命建普度醮於京之靈濟宮辛丑正月朔命分獻星辰壇復建保安醮七日賜冠服圭珮錦綺貂裘之屬上北伐還京命建祈謝大齋感祥

光慶齋之應賜賚有加特勅褒獎甲辰命醮

太和山 仁宗昭皇帝即位入賀命修薦揚大齋亦有異徵仍降勅獎諭賜金玉法印并織文金衣

宣宗章皇帝即位宣德改元入賀錫燕內殿四月推恩申錫嘉躋之勅六月加誥封為正

一嗣教清虛冲素光祖演道崇謙守靜洞玄大真人掌天下道教事丁未入覲詔下有司

悉蠲僕從丁役五月三以老辭 上還山一日中秋集眾飲闌而作頌曰易窟

探周行訪浮丘乾虹橋畔坤雷渡頭噴宇內清光半是秋半為貞氣還天表忽迅雷大作

有虹隨見光滿山谷而化計聞於 上遣太監雷春諭祭復勅葬於北真觀之右 山 漢天師世家卷三